

## याकूबकी टिवु यिकी दी थेपकी कोर्ला

दी यिकी ति जम्बुलिडला कनिवा साड टम्नी देतुप ख्रीष्टियानतिवाला याकूबकी टिवु यिन। दी यिकीला ख्रीष्टियानकी लाका ताड किताड नालुला गोवु रिक्पा ताड गोमा कितुपतिवी थोक्ला टोङ्गुतिवा बिन वे। दी टोङ्गुतिवा तेस्प पेला याकूबकी नम्बा नम्बाकी पेटिवा शेन वे। ती पेटिवा ति नोर टोङ्बा, पेराङ्बु, खोक्पा ल्हाप, मीला ल्यामु कितुप, किताड नालु, ख्ये बेतुप, तेपा ताड लाकातिवा, ख डेकला ज्योकुप, रिक्पा, थमु ग्यकुप, अम्बारङ्गिशड कितुप, मारे टोङ्गुप, यम्बाला डियर्मु कितुप, डराड यिन सिस्प, हम क्या देतुप ताड मोपोर कितुपकी कोर्ला यिन।

याकूबकी दी यिकीला ख्रीष्टियानतिवी तेपा ताड मुला राड लाका साड ल्यामु क्यानी कि गोकी सिस्प कोर्ला टिनी वे।

मुला राड वोतुप लोप्च्येनतिवा

यिकीकी कोर्ला १:१

तेपा ताड रिक्पा १:२-८

पेराङ्बु ताड टोङ्बा १:९-११

खोक्पा ल्हाप कोर्ला १:१२-१८

इयेन्दुप ताड कितुप १:१९-२७

ख्ये बेतुपकी तेन्दोकला २:१-१३

तेपा ताड लाकातिवा २:१४-२६

ख्रीष्टियानतिवी ख डेकला देतुप कोर्ला ३:१-१८

ख्रीष्टियान ताड जम्बुलिड ४:१-५:६

तिङ्मी टोङ्गुतिवा ५:७-२०

1 टसी देलेक! कोन्छ्योक ताड चोवो येशू ख्रीष्टला शब्ज्यी बुलप ड याकूबकी छ्योक नेमा जम्बुलिडकी दासा दासाला टम्नी देतुप कोन्छ्योकला तेपा कितुप मीतिवा तेरीला दी यिकी ति टिवु यिनो।

खोक्पा ल्हापला ख्येलुप पेला हम क्या देतुप कोर्ला

2 डे डियेड्ज्येवु अच्युनुपतिवा, खिरा मिजीला छेटाड ताड दुडलतिवा ख्येलनी वासिन ती पेला खिराड छासे क्यानी गा किसा।

3 च्यिलासिसिन येशूला तेपा क्यावु तप्की खोक्पा ल्हापला ख्येलुप पेला खिराड मड मड हम क्या दे थुपुप डिवी सिस्प ति खिराडला छ्या वे।

4 खिराड हम क्यानी देतुप ति मड ल्हक्पा गल्सिमा तेपा रम्बु च्युडनी खिरा मिजीला काड साड इयुड्मु मेवी।

5 दोजो खिरा पर्ला ललाइला रिक्पा अला मेसुड सिंसिन डियेर्मु माक्यानी सेम बोलमु क्यानी नड्गुप कोन्छ्योकला लोड्शी, तमा खोकी तीला नड्गितो।

6 यिने खोला लोड्गुप पेला सेमला तेपा क्यानी काड साड नाम्दोक माक्यानी लोड गोकिवी। सेमला नाम्दोक कितुपतिवा याड बुरुक कनिवा ग्युकिवे, तेवा राड ग्युकुप ग्येम्छोकी बालाप दोके यिन।

7 तुका मी तीकी कोन्छ्योक नेमा काड इयेकिवी सिनी नासाम मातोड।

8 च्यिलासिसिन तुका मी ति सेम नटे कोटे वोटुप तप्की तीकी काड क्यासिनाड चारा मुछुवी।

### मी पेराड्बु ताड छ्युक्पुकी कोर्ला

9 पेराड्बु वोटुप अच्युनुपतिवा, कोन्छ्योककी खिराडला चुक क्यानी छ्ये जोसुड सिनी खिराड गा की।

10 मी छ्युक्पुतिवा, कोन्छ्योककी खिराडला चुक क्यानी छ्युडा जोसुड सिनी गा की। च्यिलासिसिन छ्युक्पु वोटुपतिवी मिजी ति चे मेन्दोक दोके रेपा डिवी।

11 डियेमा छेन्दी शनी नाम्खर क्यासिमा च साड रेपा डिवी, मेन्दोक साड डियेल्गिवी, तमा तीकी थोड्दाड ल्यामु साड तोर्किवी। ती दोके मी छ्युक्पुतिवा साड तुकै राड यिन, चो लाका क्यानी नोर टोड्बा शम्सिनाड डियेम्जियक ती ना डिवी।

### खोक्पा ल्हापकी कोर्ला

12 चुका मी ति खोक्पा ल्हापला ख्येलुप पेला छेटाड ख्येल्सिनाड हम क्यानी दे थुक्किवे, ती मी ति मोलाम थोपुप यिनो। च्यिलासिसिन तीला मिजीकी उशाक थोक्कितो। ती छ्यक्तक ति कोन्छ्योककी खोला डियेड्ज्येवु कितुपतिवाला तेरिन सिनी थाक्छ्येन नड्गुप नाम्साड मिशिवु मिजी यिन।

13 सी साड लाका मेलोवा कितुप नासाम वुङ्गुप पेला दी ति कोन्छयोक् नेमा वावु यिन सिनी नासाम मातोड, च्यिलासिसिन सी साड कोन्छयोक्ला खोक्पा लहाप लाका कि मुथुपी, खोकी सुला साड खोक्पा माल्हावी

14 यिने मीतिवी सेमला नासाम दुक्टा शनीं देर्पांला ख्येल्सिमा खोक्पा लहापला ख्येल्सिवा।

15 तमा मी सेमला नासाम मेलोवा शनीं तीकी दिक्पा किवी, दिक्पा मड टासिमा ती दिक्पाकी मीला इयेलाला क्योल्सिवा।

16 डे इयिङ्ज्येवु अच्युनुपतिवा, ख्यिराड मी यम्बी जिनोकला मेख्येल्शी।

17 ल्यामु वोतुप ताड काड साड इयुङ्गुप मेतुप कटिनकी इयेम्बातिवा तेरी पपा कोन्छयोक् नेमा गिवा। खोकी वोसिर तेरी ज्येनी नाङ्गुड। खो ति नाम्साड मोफोवी, तमा उलाकी नक्तोमी फोवु दोके मोफोवी।

18 तमा खोकी ज्येवु च्यालकतिवी नाङ्गुला दाक्पु ति थल्माला गरुप डुप्सेन दोके जोपला खोकी टेङ्गु वोतुप सुड नेमा खोकी नोवा नेसर दाक्पुला जो नङ्गुप यिन।

कोन्छयोक्की सुडला इयेन्नी युक्पकी कोर्ला

19 डे इयिङ्ज्येवु अच्युनुपतिवा, दी ताम्डे ति हाक्कोवा किसान। ख्यिराड टिम्बु क्यानी इयेन्दुप ताड फिमु क्यानी ताम्डे लपुप ताड टिम्बु इयिर्मु मिकिवु वुड गोकिवा।

20 च्यिलासिसिन मी इयिर्मुकी जोसालेन्सिन कोन्छयोक्की टेङ्गुकी थोक्ला लाका कि मुथुपी।

21 तुक क्यानी तेरी लाका मेटेङ्गु ताड दुक्टा कितुप क्युर। तमा कुसु ज्यम्बु क्यानी ख्यिरा सेमला ज्यक्पु कोन्छयोक्की सुडला मिजी क्योड। ती कोन्छयोक्की सुडगी राड ख्यिरा मिजी ति रहोक थुक्किवी।

22 ख्यिराड कोन्छयोक्की सुडला इयेन्दुप तिराड क्यानी रडला जिनोकला मेख्येल्शी, यिने खोकी सुडला यु।

23 चुका मी तीकी सुड इयेन्नी साड ती सुडला सुङ्गुप दोके मिजी मोक्योड वे, ती मी ति गेलुड नाङ्गुला खोरो डुतुड लहाप मी दोके यिन।

24 तीकी खोरो डुतुड गेलुड नाङ्गुला लहासिमा शाकर्येक डिवा, तमा खुरुड चुकै वे सिस्प ति टोक ज्येकिवी।

25 यिने चुका मी तीकी रङ्गुप नङ्गुप कोन्छयोक्की ठिम टेङ्गुला इयेन्नी नरी युक्पु ताड ती सुडला इयाम किवे, ती मी ति सुड इयेन्नी टोक ज्येतुप मिन,

सुडला सिक्यावु दोके मिजी क्योङ्गिगी। तमा कोन्छ्योककी सुडला युवु तप्की तीला मोलाम थोक्किवी।

26 दोजो सी ड कोन्छ्योककी थोङ्दाडला टेड्बु वे सिनी सिवी, यिने खोरो ख ति डेकला मोज्योकिवी सिसिन तीकी खोरो राड खुरुडला जिनोकला ख्येलुप यिन। तमा तीकी कोन्छ्योककी थोङ्दाडला क्यावु टेड्बुकी लाका ति तेर्मे यिन।

27 पपा कोन्छ्योककी थोङ्दाडला टेड्बु वोतुप ताड क्येन मेतुप किताड नालु ति तप्क ताड युक्सिमतिवाला कतुकारला ख्येलुप पेला ल्हटे कितुप ताड दी जम्बुलिङकी दुक्टा नेसुर खुरुडला राड कुतुक ज्योकुप यिन।

## 2

मीला ख्ये बेतुप कोर्ला येन्देन

1 डे डियिङ्ज्येवु अच्युनुपतिवा, ख्यिराड मोवा वोतुप दाक्पी चोवो येशू ख्रीष्टला तेपा कितुप मीतिवा यिन्दुप तप्की मी सुला साड ख्ये बेतुप लाका माकी।

2 दोजो मी ललाइ सेरकी सोर्तुकतिवा तानी मज्या ल्यामु कोन्नी ख्यिराड जोम्बुप दासाला वासुड, तमा यम्बा मी पेराड्बु यी साड मज्या सेर्पा कोन्नी तेराड वासुड सिसिन,

3 ती मज्या ल्यामु कोन्दुप मी तीला ताड्देन क्यानी “दे दासा ल्यामुला जोल्हमो क्यानी ज्यु!” सिनी सिवी, यिने ती मी पेराड्बु मज्या सेर्पा कोन्नी वावु तीला ति “ख्युरुड ते राड लानी दे, याङ्ना डे काङ्बी चाला दे!” सिनी सिवी सिसिन,

4 ख्यिराड मीला ख्ये बेतुप ताड सेम मेलोकपा क्यानी मीला ठिम कितुप मीतिवा यिन।

5 तुक क्यानी डे डियिङ्ज्येवु अच्युनुपतिवा, दी ताम्डे ड्येना। जम्बुलिङला वोतुप पेराड्बुतिवाला कोन्छ्योककी पेनी तिवी क्यावु तेपाला छ्युकुपु जोनी खोला डियिङ्ज्ये कितुपतिवाला तेरिन सिनी खोकी थाक्छयेन नङ्गुप ग्येल्खापला दे छ्योवु जो मनङ्गिगी रो?

6 यिने ख्यिरा याड पेराड्बुतिवाला डियिङ्मर क्यासुड। काड मी छ्युकुपुतिवी ख्यिराडला ओङ्ज्येन क्यानी दुक्पा मेतेवी रो? काड तिवी ख्यिराडला ठिमखाडला टिनी मोक्योल्वी रो?

7 काड तिवी ख्यिरा तेपा क्यावु चोवो येशू ख्रीष्टला साड मारे तङ्गुप मिन रो?

8 कोन्छ्योककी सुडला साड “खोरो युल्वातिवाला रडला दोके डियेड्ज्ये की।”\* सिनी टि वे। वुतुड के खिरा ती कोन्छ्योककी सुडला वोतुप खक्छ्येवु कला ड्येन्सुड सिंसिन खिरा ल्यामु राड क्यावु यिन।

9 यिने खिरा मीला ख्ये बेतुप लाका क्यासुड सिंसिन खिराड कोन्छ्योककी नड्गुप ठिमला मेड्येन्दुप ताड दिक्पा क्यावु यिन।

10 ललाइ मीतिवी कोन्छ्योककी नड्गुप ठिमला सिक्पावु दोके तेरी किवी, यिने ती ठिमकी नाड्ला वोतुप ताम्डे च्यिक ति मेड्येन्दिवी सिंसिन तीकी ती ठिम तेरी माड्येन्दुप यिन।

11 च्यिलासिंसिन “शम्डेन माकी।” सिस्प च्यिक राड वोतुप कोन्छ्योककी “मी मासे।” सिनी साड सुड वे। दोजो मी च्यिककी शम्डेन ति मिक्किवी, यिने मी सेक्किवी सिंसिन, ती मी तीकी कोन्छ्योककी नड्गुप ठिमला मातेन्दुप यिन।

12 खिराडला रड्ज्येन नड्गुप कोन्छ्योककी ठिमला सुड्गुप दोके खिरा ताम्डे लप्ताड ताड किताड नालु ल्यामु की। मिसियाड ती ठिमकी खिराडला पर्च्या तोड्गिगी।

13 च्यिलासिंसिन कोन्छ्योककी ठिम क्या नड्गुप पेला मीला च्यम्बा मिक्किवु तीला खोकी साड च्यम्बा माक्यानी ठिम क्या नड्गिगी, यिने च्यम्बा क्यावु मी ति खोकी ठिम कितुप पेला ग्येलिगी।

लाका मेतुप तेपा ति फेन मोथोवु यिन

14 डे डियेड्ज्येवु अच्युनुपतिवा, दोजो मी ललाइकी “ड येशूला तेपा किवी।” सिनी सिवी, यिने तेपा क्यावु दोके लाका ति मिक्किवी सिंसिन, तीला काड ख्येप्साड गिगी रो? काड तीकी क्यावु तेपाकी तीला र्होक थुक्किवी रो?

15 दोजो ललाइ नुप रे नुम रे मज्या सेर्पा कोन्दुप वे, तमा तिवाला डियेमी टेडकी साप समा साड मलाड्गुप वे सिंसिन,

16 खिरा पर्ला ललाइकी तीला “लोदिमु क्यानी ग्युक, मज्या टेन्बु कोन्नी दे, तमा डाता सेक क्यानी समा सो।” सिनी सिवी, यिने तीला गोवु च्यालकतिवा मेतेवी सिंसिन तीला काड ख्येप्साड वे रो?

17 ती दोके येशूला तेपा क्यासिमा साड तेपा क्यावु दोके लाका ति मिक्किवी सिंसिन, ती तेपा ति काड साड फेन मोथोवु डिवी।

\* 2:8 २:८ लेवी ११:१८

18 यिने दोजो मी ललाइकी “ख्युऱुडला तेपा वे, डला ति किताड नालु ल्यामु वे। ख्योरो किताड नालु मेतुप तेपा ति डला छया तेन! तमा डे क्वावु किताड नालु नेमा डे तेपा ति ख्युऱुडला छया देनिन।” सिनी सिवी।

19 कोन्छयोक च्यिक राड वे सिनी ख्यिरा सिवी, ती तामडे ति ल्यामु यिन। डेतिवी साड तुकै राड सिवी, यिने तिवा ज्यिवा लानी रूहकिवी।

20 ओ अम्बारडिशडतिवा, लाका मेतुप तेपा ति तेर्मे यिन सिस्प ति ख्यिराड हाक्कोवु नोकिवी?

21 दाक्पी हडगावा अब्राहामकी खोरो पुज्युड इसहाक ति कोन्छयोककी थोक्ला जिन्बा पुल्लिसमा ती ति खोकी थोड्दाडला टेड्बु च्युड्गुप मिन रो?

22 ख्युऱुडला छया वे, अब्राहामकी तेपा तिराड क्यानी मिन, यिने तेपा क्वावु दोके लाका साड क्वावु तप्की तीकी तेपा क्वावु ति टेड्बु च्युड्सुड।

23 कोन्छयोककी सुडला “अब्राहामकी कोन्छयोकला तेपा क्वावु तप्की खोकी अब्राहामला टेड्बु वोतुप यिन सिनी चिसुड।” सिनी टि वोतुप सुड ति तेरी छेसुड। तमा मीतिवी अब्राहाम ति कोन्छयोककी दालजा यिनोक सिनी सिक्वासुड।

24 तुक क्यानी ख्यिरा हाक्कोकिवी, तेपा तिराड क्यानी मिन, यिने तेपा क्वावु दोके लाका क्वासिमा तिराड मी ति कोन्छयोककी थोड्दाडला टेड्बु च्युड्गिगीवी।

25 पुम्पेजा छ्येमु राहाबकी साड च च्येतुपला तड्गुप इस्राएलकी मीतिवाला गासो शुनी पिशोर च्यितुप तप्की तीकी क्वावु लाका नेमा राड ती ति कोन्छयोककी थोड्दाडला टेड्बु च्युड्गुप मिन रो?

26 तुक क्यानी उ मेतुप जु ती शेष दोके, लाका मेतुप तेपा साड शेष यिन।

### 3

#### रडगी ख डेकला ज्योकुप कोर्ला

1 डे ड्यिड्ज्येवु अच्युनुपतिवा, ख्यिरा पर्ला माड्शोक गेकेन च्युड्गुप नो माकी, च्यिलासिसिन येन्देन तेस्प गेकेनतिवाला कोन्छयोककी मड छासे क्यानी पर्च्या तोड्गिगीवी।

2 दाक्पु तेरीकी च्यिक मे च्यिक याड मेलोवा क्वावु राड गिगी। चुका मी तीकी खोरो ख डेकला ज्योकिवे, तीकी खोरो जुला साड डेकला ज्योकिवी। तमा ती ति मी टेड्बु च्युड्गिगीवी।

3 ततिवाला ओडला ज्योकूपला खला खमदेर ग्यप्सिन, कनिवा डोयी दे लड्गिगे, तेवा राड टिनी डो थुक्किवी।

4 टुतिवाला ल्हो, तिवा वुर्तुक ग्येर्पु ग्यप्सिनाड टु फार ताड छुर क्योकूप पतवार टिक्पे यी थ्वोनी टु ग्येर्पु तोड्गुप मी तीकी कनिवा ताड्नी डोयी दे लड्गिगे, तेवा राड डिवी।

5 ती दोके दाक्पी च्येलाक साड टिक्पे यिन्सिनाड अम्बारडिशड कितुप ताम्डे ग्येर्पु ग्येर्पु थेन्निवी।

मे मेवुर टिक्पे यीकी साड नाडुड ग्येर्पु ग्येर्पुतिवा पुसुकी जेवी।

6 दाक्पी च्येलाक साड मे दोके यिन। ती ति जुला वोतुप येन्लकतिवी नाड्ला दिक्पा कि ज्यितुप दुक्टा दोके राड यिन। दीकी जोसालेन्सिन दाक्पी तेरी मिजीला मेलोवा जेवी, तमा तेरी मिजी ति ड्येलाकी नाम्साड मिशिवु मे नाड्ला क्योल्लिगी।

7 नम्बा तेरीकी सेम्ज्येन ताड च्यच्युम ताड जु टिनी युक्पु सेम्ज्येन ताड ग्येम्छोकी सेम्ज्येनतिवा ति मीतिवी दुल्लिगी,

8 यिने दाक्पी च्येलाकला सी साड डेकला ज्योक मुथुपी। दीकी नरी ताम्डे मेलोवा तिराड क्यावु ति क्यातोक किवी। तमा दीकी दाक्पुला तुक सोवु दोके क्यानी ड्येलाला क्यल्नी शि ज्यिकिवी।

9 दी दाक्पी च्येलाककी राड दाक्पी पपा कोन्छ्योकला सोवा साड देकिवी, खोकी जुजमला जो नड्गुप मीतिवाला मोताप साड देकिवी।

10 दाक्पी ख च्यिक नेमा राड मीला मोलाम साड थोक्किवी, मोताप साड देकिवी। डे ड्यिड्ज्येवु अच्युनुपतिवा, ख्यिराड ति तुक कितुप मेड्गिगी।

11 काड छ्यु दोलुप छयी पुड च्यिक नेमा छ्यु शिम्बु ताड छ्यु खक्ती थेन्निवी रो?

12 डे ड्यिड्ज्येवु अच्युनुपतिवा, काड अन्जीरकी दोड्बुला जैतुन, याड्ना गुन्डुम दोड्बुला अन्जीर गोर्किवी रो? ती दोके क्यानी छ्यु छेटोक दोलुप छयी पुड नेमा छ्यु शिम्बु थेन मुथुपी।

### कोन्छ्योककी नड्गुप रिक्पाकी कोर्ला

13 ख्यिरा पर्ला रिक्पा ताड येन्देन वोतुप मी सु वे? तीकी खोरो किताड नालु ल्यामु नेसुर खुरडला वोतुप रिक्पा ताड येन्देन छया तेन। ती किताड नालु ति कुसु ज्यम्बु ताड रिक्पा नेसुर वुड गोकिवी।

14 यिने दोजो ख्यिरा सेमला ठतोक कितुप ताड खुरूडला तिराड नासाम तोड्गिगी सिंसिन, छासे रिक्पा वे सिनी तुका तामडेला हम्बा माकी, यिने तामडे टेड्बु तिराड की।

15 च्यिलासिसिन तुका परकी रिक्पा ति कोन्छ्योक नेमा वावु रिक्पा मिन, दी जम्बुलिड ताड मी नासाम मेलोकपा नेसुर ताड डेकी ओड नेमा वावु रिक्पा यिन।

16 कनी ठतोक कितुप ताड खुरूडला तिराड च्युड्शी सिस्प सेम नोके, ते खाँदा शोस्प ताड तेरी परकी लाका दुक्टातिवा गिगी।

17 यिने देवाच्येन नेमा वावु रिक्पा ति गोमाला टेड्बु वोतुप ताड तिड्ला लोदिमु वोतुप ताड सेम बोल्मु ताड मी यम्बी सिक्पावु तामडेला ड्येन्दुप ताड च्यम्बा वोतुप ताड डेलु ल्यामु गस्प दोड्बु दोके मिजी ल्यामु क्योड्गुप गिगी। यम्बा देवाच्येन नेमा वावु रिक्पा ति ललाइला ल्यामु ललाइला मेलोवा मिक्वि ताड खोनक्पा मेतुप गिगी।

18 तमा नरी मीतिवाला डिड तेस्प छोलुप मीतिवाला ज्युक्ला कोन्छ्योककी थोड्दाडला टेड्बु वोतुप च्युड्गिगी।

## 4

### कोन्छ्योकला खोरो मिजी पुलुप

1 ख्यिरा पर्ला कडगी तेन्दोकला खाँदा ताड थमु शोर्किवी? ती ति ख्यिरा पर्ला रडगी थोक्ला तिराड च्युड्शी सिनी सेमला थमु ग्यक्पु नासाम नरी वोतुप तप्की यिन।

2 ख्यिराड ख्यिरा सेमला नो क्यवावु च्यालकतिवा थोप्शी सिस्प याड नो किगी, यिने मेड्येवी। ख्यिराड ख्यिरा नो क्यवावु च्यालकतिवा थोपुपला मी सेतुप ताड देर्पा क्यसिनाड, खाँदा ताड थमु ग्यप्सिनाड ख्यिराडला काड साड मेड्येवी। च्यिलासिसिन ख्यिराड कोन्छ्योकला मोलोड्गिगी।

3 ख्यिरा कोन्छ्योकला लोड्गुप याड लोड्गिगी, यिने मेड्येवी। च्यिलासिसिन ख्यिराड खोड्दला तिराड गा ताड किर्मु जोप नासाम मेलोवा ताडनी लोड्गिगी।

4 ओ शम्डेन कितुप टेड, कोन्छ्योकला तेपा क्यानी साड जम्बुलिडला गा कितुप ति कोन्छ्योक ताड मुला डला गलुप यिन सिस्प ति ख्यिराडला छ्या मे? सु दी जम्बुलिडला गा किवे, ती ति कोन्छ्योक ताड मुला डला गलुप यिन।



5 कोन्छयोककी दाक्पुला नङ्गुप थु चाङ्माकी दाक्पुला छासे गा लानी डियङ्ज्ये किवी सिनी कोन्छयोककी सुडला टिवु ति तेर्मे यिन सिनी ख्यिराड नासाम तोङ्गिबी?

6 यिने खोकी दाक्पुला छासेकी कटिन नङ्गिबी। ती तप्की कोन्छयोककी सुडला दुक सिनी टि वे,  
“अम्बाराङ्गिशड कितुपतिवाला कोन्छयोक गा मालाङ्गिबी,  
यिने सेम बोल्लमु वोतुपतिवाला कटिन नङ्गिबी।”\*

7 तुक क्यानी रङ्गी मिजी ति कोन्छयोककी ओडला ज्योक, तमा शैतानकी तेन्दोकला लो। तुक क्यासिन ती शैतान ति ख्यिरा नेसुर टोनी डिवी।

8 तमा ख्यिराड कोन्छयोककी चिप्ला ग्युक, तुक क्यासिन खो ख्यिरा चिप्ला फेक्किवी। ओ दिक्छेनतिवा, ख्यिराड दिक्पा कितुप क्युर। ओ सेम नटेकोटे वोतुप टेड, ख्यिराड सेम टेड्बु क्यानी यु।

9 ख्यिरा क्यावु दिक्पाकी थोक्ला पप की, तमा दुडल क्यानी डु। ख्यिराड गोटे कितुप क्युर ज्याक्नी पप की। लोदिमु कितुप क्युर ज्याक्नी दुडल की।

10 ख्युरूड कोन्छयोककी थोङ्दाडला कुसु ज्यम्बु क्यानी मिजी क्योड, तमा खोकी ख्युरूडला छ्ये जो नङ्गिबी।

च्यिककी च्यिकला क्येन मातेर

11 ओ अच्युनुपतिवा, ख्यिराड च्यिक ताड च्यिककी तेन्दोकला ताम्डे मेलोवा माकी। सी खोरो नुपकी तेन्दोकला ताम्डे मेलोवा क्यानी क्येन तेर्किवे, तीकी कोन्छयोककी नङ्गुप ठिमकी तेन्दोकला ताम्डे मेलोवा कितुप ताड क्येन तेरूप यिन। ख्यिरा ठिमकी तेन्दोकला क्येन बिन्सिन कोन्छयोककी ठिमला सुङ्गुप दोके मिजी क्योङ्गुप मिन, ठिमकी तेन्दोकला क्येन बिन्दुप यिन।

12 ठिम नङ्गुप ताड ठिम कितुप ति मिरा च्यिक राड वे। खोकी रूहोकुप साड थुक्किवी, ना साड तोड थुक्किवी। तुक क्यानी रङ्गी युल्वातिवाला क्येन तेरूप ति ख्युरूड सु यिन?

सला काड कितुप ना काड कितुप सिरूप कोर्ला

13 ख्यिराड दी ताम्डे ति ड्येना, “हारिड याङ्ना सला दाक्पु ग्येसा यीला गल्नी लो खोर्मा यी देनी छोड क्यानी टोङ्बा शोम्बुप्नो” सिनी सिरूप मीतिवा!

\*

4:6 ४:६ हितोपदेश ३:३४

14 यिने खिरा मिजीला सला काड ख्येलिगी सिस्प ति खिराडला छ्या मे। खिरा मिजी याड काड यिन रो? खिरा मिजी याड उकुर च्यिक मिक्की थोड्गुप ताड तोक तोनीं डोप मुसिल दोके यिन।

15 खिरा तुक सिस्प छोलयाड बोसू “कोन्छ्योककी नोवा वोसिन, दाक्पु सेन्बु देनी दुकै कितुप तुकै कितुप।” सिनी सि गोकिवी।

16 यिने तन्दा खिराड रडगी मिजीकी थोक्ला नो क्यावु ताम्डेला छासे तेके किवी। तुका लाका ति दुक्टा यिन।

17 ती तक्की चुका मी तीकी लाका ल्यामु कि गोकिवी सिस्प छ्या वोसिनाड मिक्की सिंसिन, तीकी दिक्पा क्यावु यिन।

## 5

### मी छ्युक्पुतिवाला टोड्गु

1 मी छ्युक्पुतिवा, दी ताम्डे ति ड्येना, खिराडला ख्येल वुड्गुप छेटाडतिवा नासाम तड्नी डु। तमा छासे डुप्राड की।

2 च्यिलासिसिन खिरा टोड्बा ति च्यम सिन वे, खिरा कोन्दुप मज्यातिवाला मुक्पा ग्यप्नी वे।

3 खिरा सेर ताड डुलला या छ्यान वे, तमा ती या ति खिरा थोक्ला पड्बु डिवी। तीकी खिरा जु ति मे छिकुप दोके क्यानी ना तोड्गितो। च्यिलासिसिन खिराड जम्बुलिड ना डोप तुजे वुड्गुप छल्सिनाड रडगी थोक्ला टोड्बा सकुप लाका तिराड क्यासुड।

4 ल्होसा, खिरा रडगी शिड खला लाका कितुपतिवाला तेर गोवु लतिवा माबिन वे। ती तक्की तिवा ख्योरो तेन्दोकला डुप्राड कियी वे। तिवी डुप्राड क्यावु ति ओड छ्येन्बु कोन्छ्योककी सेन्नी वे।

5 खिराड दी जम्बुलिडला गा ताड किर्मु क्यानी किक्की तोड्गियन सिरा मिजी क्योड्गियन वे। तुक क्यानी खिराड सेतुप पेला लेप्सिनाड खोरो मिजी तिराड नासाम तड्नी ग्यामु जो ज्याक्नी वे।

6 खिरा काड साड क्येन मेतुप मीतिवाला क्येन बिन्नी तिवाला सेसुड, यिने तिवी खिराडला लाक्पा मालोक।

### छेटाडला हम क्यानी देतुप

7 ती तप्की अच्युनुपतिवा, ख्यिराड ति चोवो येशू फेवु तुजे माछेवा सेक्ला हम क्यानी दे। ल्होसा, सप्ले कितुप मीकी सशिडकी गोड नावु डुप्सेनला ल्येशी नोनी येवीं छयर्वा ग्यक्ता सेक ताड गुन्बी छयर्वा ग्यक्ता सेक हम क्यानी गु देकिवी।

8 ती दोके क्यानी ख्यिराड सेम थिला ज्याक्नी चोवो फेवु तुजेकी थोक्ला हम क्यानी गुनी देता, च्यिलासिसिन चोवो डमु राड फेफ्कितो।

9 ती तप्की अच्युनुपतिवा, ख्यिराड च्यिककी च्यिकला इयोशोक इयोशोक मासिर। मिसियाड ख्यिराड कोन्छयोककी पर्च्याला ख्येल्लितो। ल्होसा, ख्यिराडला ठिम कितुप चोवो ति गे चाला राड वोतो।

10 अच्युनुपतिवा, कोन्छयोककी मिडला नम्र शेतुप लड्तेम्बातिवाला ल्हो। तिवा चुक क्यानी छेटाड खुरूप ताड हम क्यान देतुप ति नासाम ताड्नी ख्यिराड साड तिवी दोके क्यानी लमु से।

11 ल्होसा, हम क्या देतुपतिवा मोलाम वोतुप यिनो। अय्यूबकी चुक क्यानी हम क्यानी देसुड, तमा तिडला कोन्छयोककी तीला मोलाम नाड्सुड सिस्प तामडे साड ख्यिरा हाक्को वे। तमा चोवो कोन्छयोक ति ड्यिड्ज्ये ताड च्यम्बा नड्गुप यिन सिस्प साड हाक्को वे।

12 अच्युनुपतिवा, खक्छयेवु तामडे ति काड यिन सिसिन, ख्यिरा पर्ला तामडे थाक्छयेतुप पेला नामसाड न माक्योल। देवाच्येन ताड जम्बुलिडकी थोक्ला याड्ना चुका च्यालककी थोक्ला साड न माक्योल। चुका तामडे साड यिन्सिन यिन सी, मिन्सिन मिन सी। तुक क्यासिन कोन्छयोककी ख्यिराडला पर्च्या मोतोड्गिगी।

तेपा क्यानी मोपोर कितुप कोर्ला

13 ख्यिरा पर्ला ललाइकी छेटाड खुरिन वोसिन तीकी कोन्छयोकला मोपोर किशी। ललाइला सेम गा लान वोसिन तीकी कोन्छयोकला सोवा देकुप लुतिवा लड्शी।

14 ख्यिरा पर्ला ललाइ नेर्पु वोसिन तीकी चर्चला गोमा कितुप मी छ्येतिवाला कताड्नी चोवो येशूकी मिडला नुम्शाल ग्यप्नी तीकी थोक्ला मोपोर किशी।

15 तेपा क्यानी मोपोर क्यासिन नेर्पु टेकिवी, तमा कोन्छयोककी ती नेर्पुला येर लोड्गिगी। तीकी दिक्पा क्या वोसिनाड तीकी क्यावु दिक्पा ति माफ ड्येकिवी।

16 ती तप्की ख्यिराड च्यिककी च्यिकला डे दिक्पा क्यावु यिन सिनी सेम ग्युर, तमा च्यिककी च्यिकला मोपोर की। तुक क्यासिन चोवोकी ख्यिराडला टेक

ज्यिकिवी। च्यिलासिसिन कोन्छ्योककी थोड्दाडला टेड्बु वोतुप मीतिवी क्यावु मोपोर ति डार छयेवु गिवी।

17 कोन्छ्योककी लुड्तेम्बा एलिया साड दाक्पु दोके किताड नालु वोतुप मी राड यिन, यिने तीकी छयर्वा मग्यक्शी सिनी कोन्छ्योकला मोपोर क्यासुड, तमा लो सुम ताड ल टुक सेक जम्बुलिडला छयर्वा छयेसुड।

18 येलुड तीकी छयर्वा ग्यक्शी सिनी कोन्छ्योकला मोपोर क्यासुड, तमा छयर्वा ग्यप्नी सशिड खला छासे सप्ले ल्यासुड।

19 अच्युनुपतिवा, ख्यिरा पर्ला ललाइकी कोन्छ्योककी सुडला युक्पु क्युनी ज्याक्सिन तीला येलुड लोकनी टि शोक।

20 दी तामडे ति हाक्कोवा की, दोजो ललाइकी दिक्छेन मिरा च्यिकला लाम मेटेड्बुला युक्पु नेसुर लोकनी टि वासुड सिसिन, ती दिक्छेन तीला शेप ने रूहोकिवी, तमा तीकी क्यावु दिक्पातिवा साड माफ ड्येकिवी।

कोन्छ्योककी सुड

**Sherpa: कोन्छ्योककी सुड New Testament**

copyright © 2014 Wycliffe Bible Translators, Inc.

Language: (Sherpa)

Contributor: Wycliffe Bible Translators, Inc.

All rights reserved.

2020-11-30

---

PDF generated using Haiola and XeLaTeX on 18 Apr 2025 from source files  
dated 29 Jan 2022

b834b297-b0c6-512e-bce6-f4d9b41b94be